

Enformaziuns y Comunicaziuns

UNITÉ PASTORALA VAL BADIA: Formaziun por colaboradus dla Ploania

Le Consèi dles Còres dla Unité Pastorala Val Badia envièia düc i colaboradus dla ploania - **consèis de cōra, aministrazion, liturgia, leturs, cianturs, ministri d'l'Eucaristia, sorastanè dles uniuns catoliches, düc chi co fej val' sorvisc tla comunità de ploania** - a na formaziun por s'arjigné ales ativitès y ala vita pastorala tla Unité Pastorala. La formaziun gnarà tignida **en sabeda ai 2 de merz 2013 dales 14.00 ales 18.00**, tla Ciasa J.B. Runcher a San Linert. Referènc è siur Markus Moling y la mag. Patrizia Schwenbacher. Por gauja de organisaziun vègnel perìe da s'anunzié anter i 15 de forà pa Pablo Palfrader (palfrader@rolmail.net).

Sopoltöres: Le Consèi de Ploania lascia alessèi che tla sontada dai 6 de forà èl gnü fat fora da porté endò l'orar dles sopoltöres ales 14:00, deache an à odü che con l'orar nò ne bütera nia. Te cōsta ocasiun vègnel recordé che la Ploania à lascé fà de picì libri por les coronas dai morc. Al n'è incé te dljia da s'empresté fora, y al foss bel sce i iijns dla familia dal defunt fistidiass da i condü te ciasa, y dedò endò zoruch te dljia. Lèite èl la corona te trèi lingac, co po ester d'ōga por chi co dij dant te dljia o tles ciasas.

Ostes domandes sön la Fede: Ciamó cōst'edema podèise dé jö ostes domandes sön la fede, tla **cassèta apostà jödapè de dljia**, o les mené por mail a **ploaniaalplan@gmail.com**. Les families è enviades da damané incé i mituns dō sōes domandes sön Chèl Bel Dio. Tomp èl cina ala domègna ai 17 de forà. Düc è enviès da fà empara.

Avis de Comun: Düc i proprietars de cians è periès da i tigni tachès y ti mèter le smusé canche ai roda empara te posc publics. Deplü porsones s'à lascé sō che cians roda lèdi fora por paisc y gonot ne vègnel nia romené sō i bojügn che ai fej encèrch. Düc è periès da se tigni, zonza vègnel apliché les strafunghe preodüdes dla lege.

Proiet: Le Sorvisc ai Jogn chir por l'Isté Deboriada 2013 jones y jogn co à ligrèza da laoré con mituns desco animadus (an mēss avèi la majera eté). Enformaziuns ciafun al 0474/523070 (lönesc - jōbia dales 8 ales 12 y dales 13 ales 17) o por mail a info@jogn.org. Les domandes è da dé jö anter i 28 de forà 2013.

Dotur: Le dotur Marcocci lascia alessèi che en dèdölönesc ai 12 de forà domisdé romagnarà l'ambulatorio slüt, mo al sarà davert danmisdé dales 8:00 ales 11:30.

Carlascé: L'Aziènda d'Al Plan envièia dōta la comunità da gnì ala defilada da carlascé - en maschera o incé nia. Chi dles mascheres s'encunta ales dōes dōmisdé ia tla plaza dan la nodadoia. La defilada pèia ia spo ales 14:30 y jarà cina te plaza. Enlò gnarà premié les plü beles mascheres y al sarà por düc val' da bère y da sgolósé.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Telefōnn y fax de calogna: 0474 501006. Radio Ploania: MhZ 93,00

Comunicaziuns - cina al dèdemesaledema sèra - da mené a: Pablo Palfrader

Tel. 333 4762010 Mail: **ploaniaalplan@gmail.com**

Download plata: [/www.valbadiaonline.it/comunite/ploanies/al-plan-de-mareo.html](http://www.valbadiaonline.it/comunite/ploanies/al-plan-de-mareo.html)



Ploania
d'Al Plan
de Mareo

La plata de Ploania

E-Mail: ploaniaalplan@gmail.com - Radio: 93,00 MhZ

5. Domègna dal ann liturgich C, ai 10.02.13 - nr. 11


Redaziun dla plata: Pablo Palfrader, Margot Pisching, Angela Zingerle

Sön tōa parora sciürarài fora les rèis

Dal vagnele dō San Luca, 5, 1-11

Maester, i àn laoré dōta nèt y i n'àn pié nia. Mo sön tōa parora sciürarài fora les rèis. ⁶Cōsc ài fat, y ai à pié n te' gröm de pèsc, che sōes rèis manacià da se scarzé. ⁷Porchèl ti ài fat sègno ai compagns tal'atra barca, ch'ai gness y i daidass. Ai è gnüs, y deboriada ài emplì entrames les barches cina al ur, ch'ares manacià da jì sot. ⁸Canche Sciomun Pire à odü cōsc, s'àl peté jö dan i pìsc de Gejù y à dit: Signur, va demez da me; i sun n piciaadü.

Parora dal Signur. - Lalt a té, Gejù Crist!



Tomp de renovamont

La Carsèma è dan porta. Valch ponsarà belo ales proibiziuns: degüna cern le vëndres, se tigni ete, renunzié a cōsc y a chël. Ensciö pàssel en pü' la ligrèza, y al romagn plülere zoruch en sentiment da jì sōi nerf. La Carsèma à endere tan da nes di y po se scinché l'ocasiun da descori danò nos enstèsc, da se renové. En ponsier dal teologh Markus Eckert da Welzheim:

"Belo da jonn ài emparé da conèsce la Carsèma. I renunzià a dōt le düc. Mi amisc n'ea nia bogn da capi ch'i fajea cōsc, y ensciö fajèse ores alalungia discusciuns por ci che le jiné dess ester bun. En iade èl en compagn co dij: 'I ne sun nia bun da crèie che Chèl Bel Dio ieri cōsc da nos. Chèl oress di lascé sō val', fà en sacrificze' Incé a me m'èl foresto da ponsé che Chèl Bel Dio ieri val' da me por che al m'oi bun. I dà pro che cōsc m'à dé da ponsé. Mo por ci èl pa spo bun da jiné? Aldédancö diji: i ne le feji nia por Chèl

Bel Dio, mo por me, por emparé da mo conèsce miù me enstès. Carsèma è atlò por avèi plü tomp por se enstèsc, zonza se lascé destó le ponsier da chës gröm de cosses che an à. Set edemes zonza val' ô di incé set edemes con me enstès y con la domanda: 'Ci è pa por me emportant tla vita?' Y cōsc à endò val' da nen fà con mio raport con Chèl Bel Dio. Sc'i la vèighi ensciö, è la Carsèma por me en tomp de sostanza, y i sun encontont sce la jont empara endò da descori cōsc gran valor."

I n'orun empò nia scuté ia che la Carsèma à incé da fà con le s'arjigné ala gran festa dla Ressoraziun. Ara à da fà con ciaré sön nosta vita, sce an adora bèn dōt ci che an à, y sce an à bèn dōt ci che an adora.

An è enviès da coltívè l'oraziun y meditaziun, fà operes de bunté - l'amur al proscim, crèsce tal raport con Chèl co è le Tru, la Verité y la Vita. Bel m'à salpü le confrunt che en pater à en iade fat:

"Carsèma è desco puzenè fora l'anima".

S.Mësses y Funziuns dai 10. ai 17 de forà 2013

Domëgna: 10.02.2013: V. Domëgna dal Ann Liturgich C

Oferta por i bojügns dla Ploania



- 6.30:** Mëssadora ia La Pli
9.30: Funziun dla Domëgna: Corona
10.00: S.M. por la Comunità
18.00: S.M. por +nta Rosina Mutschlechner, dal Bagn
S.M. por +nc' Judith y Hans Palfrader
S.M. por +nt Siur Heinrich Videsott
S.M. por +nt Castlunger Pepi, Surt

Lönesc: 11.02. Compariziun de Santa Maria ai Mituns da Lourdes

- 7.15:** S.M. de reng. dla vita
S.M. por +nc' Emilio y Ottilia Castlunger
S.M. por la familia Nalon Castaldo
S.M. por +nta D'Amico Francesca

Dédol.: 12.02. Feria dla V. Edema dal ann: S. Gregöre, S. Benedöt

- 18.00:** Corona

Dédem.: 13.02. Capiun: al mët man la Carsëma

- 7.15** Benedisciun y impos. dal cënder
S.M. por fam. Lois y Oliva Castlunger, Surt
S.M. por +nta Rosa Obojes, Milchbar
18.00: Benedisciun y impos. dal cënder
S.M. por +nta Patuzzi Angela
S.M. por fam. Erlacher Carlo y Marianna



Jöbia 14.02. Memoria de S.Cirillo y S.Metodio, S.Valentin

- 18.00:** Funziun dal tomp de Carsëma

Vëndr.: 15.02. Feria dal'âa edema dô Capiun: S.Claude, Sa.Trudmar

- 7.10:** S.Mëssa por i scolari
S.M. por +nc' Valentin Lois y Maneschg Pire
S.M. ad int. por la Pêsc, por les Püres Animes
S.M. por +nc' Pisching Adolf y Helmut, Pederü

17.00: Via Crucis – Les Staziuns

Sab. 16.02. Sancta Maria in sabato: Sa.Iuliana, S.Pamphilus

- 17.00:** Poscibilità da se pissié
18.00: S.M. por +nt Mutschlechner Albert, dal Pech
S.M. por +nt Franz Kaneider, de Ianesc
S.M. Aniv. por +nt Friedl Ferdigg, Pech da Mantëna
S.M. en onù de S.Ojöp da Oies,
por fam. Piazza Albin y Teresa, Roâlta

Domëgna 17.02.: I. Domëgna de Carsëma Ann "C": S.Luca

Oferta por i bojügns dla Ploania



- 6.30:** Mëssadora ia La Pli
9.30: Funziun dla Domëgna: Corona
10.00: S.M. por dötä la Comunità
18.00: S.M. aniv. por +nt Angelo Ties, de Col
S.M. aniv. por +nta Angela Ties, Plazores
S.M. por +nt Rindler Guido, de Pal

AODANZES: Döt le bun, sanité y benedisciun a

Erwin Demetz *08.02.1933 - Maria Federa *14.02.1927

Maria Emma Ties *14.02.1930 - Albina Ties *16.02.1932

y a düc chi co à santennom y complësc i agn cöst'edema

Vielleicht die größten Versuchungen unserer Zeit:

die Gleichgültigkeit und die Bequemlichkeit. Beide verstecken sich oft hinter der Ausrede: „Ich alleine kann ja doch nichts machen“ – gegen den Hunger in der Welt, gegen die Gewalt zwischen Menschen, gegen die Zerstörung der Schöpfung. Im Evangelium weist Jesus die Versuchungen des Teufels mit der Heiligen Schrift zurück; mit den Worten Jesu können wir Gleichgültigkeit und Bequemlichkeit abwehren: „Liebe deinen Nächsten wie dich selbst.“

Kein Ende ...



... ein Anfang!

**WIR MÜSSEN
TÄGLICH STERBEN,
DAMIT WIR NICHT
STERBEN,
WENN WIR
STERBEN.**

Inschrift am Schleswiger Dom

Aschermittwoch ist nicht das Ende der Karnevalszeit, sondern der Beginn der Fastenzeit. Der Beginn eines Weges, der mit Jesus in die Wüste führt und auf den Berg der Verklärung. Ein Weg mit ganz eigenen, individuellen Stationen. Und ein Weg, der ans Kreuz führt. Doch selbst dort, wo alles zu Ende scheint, beginnt an Ostern neues Leben.

TIM & LAURA www.WAGHSTINGER.de



Sorvisc dai Ministroné

Lönesc 11/02 (07:10h), Dedemesaledema 13/02 Capiun (07:15h): Asia y Mara Rungger,

Dedemesaledema 13/02 Capiun (18:00h): Max Maneschg, Anna

Chierchia; **Vëndres 15/02 (7:15h):** Asia y Mara Rungger; **Sabeda**

16/02 (18:00h): Elisa Coppola, Simon Obwegs, Jasmin, Karen y

Melanie Ties, Costanza Brera; **Domëgna 17/02 (10:00h):** Simone

Crusafio, Natalie Obojes, Angelo Marku, Max Palfrader, Viktoria

Frontull, Maria Huber; **Domëgna 17/02 (18:00h):** Max, Jan y Anna

Trebo, Sara y Davide Fontanella, Matio Erlacher

